

外科大成卷之三

太醫院御醫燕越郝坤廣生甫

輯著

分治部

此係頭面小疵及眼耳口鼻喉舌等部位因其
症治多岐不可紊亂於大毒之內故另立之以
便檢閱

頭部

○ ○ 頭痛頭瘋

頭痛頭瘋多由風火濕痰四氣所致或因梅毒上攻
及婦人產後當風梳洗太早並宜天麻餅子新火

悉效及魚鱧散無憂散俱可選用若頭仰視深者
危裏痛搖頭者重頭痛連腦手足冷者死脉則浮
滑易愈短澁難醫再如頭痛發熱氣喘而左手脉
大於右手者虛也速用參芪歸朮陳皮甘草加大
附子佐以茯苓芍藥數劑大汗而愈若以右大爲
內傷左大爲外感寧不悞耶

天麻餅子

治頭痛頭風及頭目昏眩項背拘急肢體煩痛
肌肉蠕動耳鳴鼻塞皮膚頑麻瘙痒癩疹又治
婦人頭風科稜骨痛牙齦腫痛痰逆惡心等症

天麻

川芎

細辛

蒼朮

防風

白芷

薄荷

甘松

白附子

甘草

草烏

川烏

二烏湯
泡去皮

各五錢

全蝎三錢

食麩打糊為丸菀豆大捻作餅子每服二十三

餅食後細嚼葱湯送下火熱痰痛茶清送下甚

者日進二服忌諸般發物

魚鱧散

治八般頭風

魚鱧

用裙帶者剪碎用蘇蘇
剪碎同炒胖透去蘇

為末每服三錢卧時葱酒調服

日輕夜重者

血虛頭痛也用當歸一兩酒二鍾煎一鍾調服

梅毒頭痛自腫者用本門湯藥內調服

蠲痛無憂散

治偏頭痛立驗

方見諸痛門

油風

油風則毛髮成片脫落皮膚光亮痒如虫行者是也

由風熱乘虛攻注血不能榮養所致宜神應養真

丹服之以培其本海艾湯洗之以治其標

神應養真丹

治風寒暑濕襲於三陽部位以致血

脈不能榮運肌膚虛痒眉髮脫落皮膚光亮

見服部

海艾湯

海艾

菊花

薄荷

防風

藁本

藿香

荆芥穗

甘松

蔓荆子

各五錢

用水五碗煎入盆內先薰後洗

○ ○ 白屑風

白屑風生髮內及面目耳項初起微痒以生白屑疊

疊飛起脫之又生由肌熱當風風熱之所化也宜

祛風換肌丸

治白屑風紫白癩風頑風頑癬濕熱瘡疥一切

痒瘡日久不絕愈而又發者

威靈仙 石菖蒲 大胡麻 何首烏

天花粉 苦參 蒼朮 牛膝 等分

當歸 川芎 甘草 減半

右爲末用新安酒跌丸菘豆大每服二錢白滾

湯送下忌發物火酒

玉肌散 洗白屑風及風濕雀班酒刺

菘豆 半升 滑石 白芷 白附子 各二錢

右爲末每用三匙洗面時用之

潤肌膏 治白屑風油風及禿瘡白班作痒

麻油 四兩 當歸 五錢 紫草 一錢 浸三日文火煎枯去

渣入黃臘五錢溶
化傾碗內搽患處

○ ○ 禿瘡

禿瘡生白痴成箇而不相連若癩瘡則生黃痴成片
有膿爲異耳夫頭爲諸陽之首而瘡亦屬火乃二
陽相灼所致其治法必當解陳莖之積熱導心經
之煩燥故宜以防風通聖散俱用酒浸過焙爲末
每日三服量見大小食後白滾水調服服至頭上
有汗出爲驗外兼以殺虫散風等藥搽之若虫死
則痒止風散則髮生血潮則班潤隨用生姜蘸潤
肌膏搽之則髮生矣忌動風發物

麥餞散

治禿瘡白痂壘疊痒若虫行者先用艾葉鴿糞煎湯洗淨瘡痂次用肥猪肉湯洗之良久其虫自出隨用躑躅花油調麥餞散搽之羶帽戴之隨後作痛發腫忍之三日後其痂漸落其髮日生矣戒諸發物

躑躅花油方

又名獨楊花

取根四兩搗爛用菜油一碗燂枯

去渣入黃臘少許冷調前藥或用青布蘸此臘油每日上三五次三日可愈

○麥餞方 用小麥一升炒枯黃色乘熱入鉢內和

硫黃四兩白砒一兩爲細末攪勻待冷取起加
烟膠半觔川椒三兩生枯礬各二兩其研細末
用時以葱湯洗淨用蒜油調搽油紙蓋扎三日
一換三次卽愈又治小兒痘風瘡甚效

華蓋散

用糯米煮爛飯搗如膏隨將禿瘡剃淨將米膏
厚罨之其虫盡入米膏中俟膏自脫髮自生矣
一用白菀豆爲末水調糊頭上一指厚布裹之
帶束之俟豆蒸發則覺痛矣去藥亦效

鼠蒜膏

治白禿及諸瘡疥癬起白痴者

鼠糞為末并大蒜和成膏塗之

癩瘡 由母受胎之日食酸辣海味太過多生此瘡

烏雲膏 治頭癩并坐板膿疥及下部寒濕等瘡

松香末為君硫黃末減半和勻香油拌如糊攤南青布條上少半指厚捲成條線扎之再用油浸一日取出刮去餘油以火點著一頭下以粗碗接之其布灰陸續剪去取所滴藥油浸冷水內一宿出火毒擦用

連蛤散 治頭癩頭瘡 頭上粘傍 海魚骨 白膠 大 陸粉 五牙 一 石 細末 研勻 先以清油潤傍後移藥只上可也

黃連 文蛤 黃柏 白芷 等分

爲未用水調攤於碗內覆於磚上燒艾薰之以
黑乳爲度再研爲末清油調敷 一用生牛皮
燒存性爲末陳醋調敷 一生於面者用百藥
煎五錢生白礬二錢爲末香油調敷

○ ○ 螻蛄癩

卽鱗拱頭

螻蛄癩卽鱗拱頭其因有二胎中受者小而悠遠生
後受毒者大而易愈但其內有衣膜故愈而復發
未潰時用紺珠膏貼之膿熟者針之插三品一條
鎗於孔內化盡內膜自不再發又有不腫而不收
口者必風襲之也用敗銅散搽之兼戒口味 一

擇吉日須午時於北房門檻前側卧耳前有穴名
螻蛄穴用麥粒大艾於穴上灸之只一壯即愈

敗銅散 螻蛄癩已破而不收口者化銅舊礮子為

細末用香油調敷

紺珠膏 見首卷

三品一條鎗 見瘰癧門

髮際瘡

髮際瘡為生於髮際間也其形如粟如艾實頭白肉

赤痛痒相兼甚則狀如葡萄而更痛由風熱上壅

所致宜紺珠丹發之或酒製防風通聖散解之

生髮內頂平而痒結黃蠟痂者梅瘡也 生腦後

窩中發瘁流汁浸淫者名燕窩瘡治同癩瘡

緝珠丹

見首卷

酒製防風通聖散

見禿瘡門

面部

面屬乎諸陽而統屬惟陽明胃也其或胃熱則面

熱胃寒則面寒宜升麻湯熱加黃連寒加附子

胃有風熱則面浮腫胃有濕熱則面生瘡或面鼻

紫色或風刺癢疹宜升麻消毒散及秦

芫湯黑龍丸二參湯

黃水瘡

黃水瘡頭面耳項忽生黃粟破流脂水頃刻沿開多

生痛痒由外傷風熱內傷濕熱所致宜升麻消毒

散清之鹽湯洗之青蛤散搽之

升麻消毒散 治面腫生瘡

羌活 防風 升麻 白芷

桔梗 連翹 枝子 芍藥

金銀花 甘草 牛蒡子 如身有瘡加歸尾紅花

用水二鍾煎八分食遠熱服 外用杏仁去皮

尖杵如膏敷之

青蛤散 治黃水濕熱等瘡

蛤粉 煨一兩 石膏 煨一兩 輕粉 五錢 黃栢 生五錢

青黛 三錢

右為末先用香油調成塊次加涼水調稀將瘡洗淨薄塗患處

二白散

治黃水瘡頭癩眉癩耳蝕羊鬍子燕窩膿

窠等瘡

皂粉

一兩水調攤碗內艾薰五七次以粉黃色為度

加輕粉

一兩

為末用蒜油燻槐枝稍枯去渣取油調敷患處

一黃散

治症同前

黃連

一兩為末水調攤碗內艾內加川山甲一分燒薰以純黑為度

加輕粉

五錢

冰片

二分

用槐枝煎油調敷或猪膽汁調敷

二合散 治症同前

皂粉 炒

槐花 炒等分爲未聽用

老松香 一兩

銀硃 四錢

共爲末紙捲成條麻油浸透火蘸着一頭滴下油藥以器接之用調前藥三次卽愈

眉癩

生兩眉間形如疥癬屬肝膽二經熱用柴胡

枝子散因乳母食厚味醇酒者加味清胃飲因鬱怒者加味逍遙散母子同服

面瘡

煎鹽湯浸繇花貼之洗之日五七次

鯽魚頭燒存性爲末醬內清汁調敷

面浮腫及陰囊浮腫者 史君子肉一兩白蜜五錢

炙軋為末每服一二錢米飲調服

摩風膏 治面遊風毒

麻黃 五錢 羌活 一兩 防風 二錢 升麻 二錢

歸身 白檀香 白芫 各一錢 香油 五兩

浸五日文火燂藥黃即去渣入黃蠟五錢溶化

肺風酒刺

肺風由肺經血熱鬱滯不行而生酒刺也宜枇杷清

肺散或用荷葉煮糊為丸白滾水服外用白礬末

酒化塗之

枇杷清肺散

治肺風酒刺

枇杷葉

桑白皮

鮮者更佳
各二錢

黃連

黃栢

各一錢

人參

甘草

各三分

用水鍾半煎七分食遠服

鰲黑斑

鰲黑斑多生女子之面由血弱不華火燥結成疑事

不決所致宜服腎氣丸以滋化源洗玉容散兼戒

憂思方可一云風邪入皮膚痰飲漬腑臟則面黧

黯又當隨其因而調之也 一用密陀僧為細末

入乳調敷鹿角尖用酒磨塗之

腎氣丸 瘍門

玉容散 見雀班

雀班

雀班由水虧不能制火火滯結而成班也宜六味地

黃丸服之用玉容散洗之久久可愈

玉容散 洗黧黑班雀班粉刺功能白面嫩肌

白芷 白朮 白芫 白茯苓

白扁豆 白細辛 白姜蚕 白蓮蕊

白牽牛 白斂 白鴿糞 甘松

團粉 加 白丁香 白附子 鷹條 等分

防風 荆芥穗 羌活 獨活 減半

小斗六戊 卷之三 醫聖班雀班 函三堂藏板

其未確收日洗三次

一醋浸白朮擦之

半月驗

六味地黃丸

見首卷

黑子

黑子痣名也由腎氣濁滯於陽分陽氣束結而成也古云面無善痣故宜去之用針挑損搽四白散紙封之三四日自脫用貝葉膏或瑩珠膏生肌兼戒醬醋則愈後無痕

四白散 點痣去班

糯米

三百五十粒

巴豆

取肉五箇

用夏布包之扎之取石灰鵝卵大一塊沖滾水

一碗泡化以水煮米包成飯取出乘熱加硃砂
未一錢拚勻仍加灰水研如糊磁確收之聽用
鼻慙瘡

鼻慙瘡生小兒鼻下兩旁由風熱客於肺也流汁浸

淫痒而不痛宜服澤瀉散搽青蛤散

見面部

澤瀉散 治鼻慙瘡

澤瀉

鬱金

枝子

甘草

等分爲末用甘草湯調服

羊鬍子瘡生於下頰承漿治同黃水瘡

眼部

眼胞菌毒

菌毒生於眼胞其形如菌頭大蒂小漸長垂出甚者
眼中流淚漸至昏矇由脾經蘊熱凝結而成也法
以軟絲紙蘸水蘸胞上少頃用左手大指甲佃於
患根右手以披針尖頭齊根切下血出不妨預用
翠雲錠子磨濃塗之其血自止內服涼膈清脾飲
仍忌海味煎炒

涼膈清脾飲

黃芩

枝子

連翹

薄荷

赤芍

石膏

生地

防風

荆芥 各一錢 甘草 五分

用水二鍾燈心二十根煎八分食遠後服

翠雲錠 治菌毒割後塗之亦治爛弦風眼暴赤腫痛

杭粉 五兩 銅錄 一兩 輕粉 一錢

共為細末用黃連一兩川米百粒水一碗煎半碗去米再煎至三分和藥作錠陰乾用時水磨如墨令濃以雞翎蘸塗患處

治眼厚翳將前藥用黃連八兩煎膏加牛皮膠二錢溶化和藥成錠用無根水磨厚敷眼內片時用水洗淨其翳自起以刀剪去之

小斗大戈 卷之三 眼部 菌毒 函三堂藏板

眼丹

眼丹生於眼胞紅熱腫痛由脾胃二經風熱所致若風盛則浮腫易散熱甚則堅腫難消初起宜敗毒黃連丸清之甚者貴金丸下之外貼精猪肉片或塗坎宮錠子俟膿成則針之貝葉膏貼之收口

敗毒黃連丸

治上下眼丹

黃連

連翹

羌活

各二兩

菊花

三兩

防風

一兩五錢

細辛

甘草

各一兩

右為末煉蜜為丸梧子大每服五十九茶水下

草礬膏

粉草 二兩 皂礬 五錢

水煎濃汁濾淨渣再煎濃加冰片以雞翎蘸
頻掃腫處 一用精猪肉切片水漂去血貼丹
上不時易之

坎宮錠子

見腫瘍

貴金丸

見腫瘍附餘

針眼

針眼 上疳也小瘡生於眼睫間微者不膿而愈甚者
成漏入風則頭面發腫目亦赤疼初起以針刺破

芎皮散

治針眼

川芎

為君

青皮

減半

爲末每服二錢煎細茶菊花湯調服 外以枯
礬未雞子清調敷 腫者用南星末同生地黃
搗膏貼太陽穴而腫自消

眼胞痰核

痰核生於眼胞在皮裏膜外其形如豆堅而不疼由
痰因火滯也輕者自愈重者變癭漏諸疾初起時
用生南星以醋磨濃頻塗患處皮薄者微微擦損
以手指甲擠出白粉卽愈貼貝葉膏收口

見膏藥門

眼胞内生椒瘡粟瘡

椒瘡粟瘡生眼胞之內由脾胃血熱所致椒瘡則赤

堅而難消粟瘡則黃軟而易散今人用燈草打血
以治標孰若清脾涼血以治本

宜苦提
露洗之

脾番症

脾番症乃眼胞番轉如舌抵唇之狀由胃經氣滯血
壅皮急絲吊所致宜瀉脾胃之積熱

漏睛

漏睛爲睛內有孔時流膿汁也其名不一如正漏生
於風輪初出白膏如痰尚可治久則出青黑膏損
及瞳人者不治偏漏生於氣輪者輕流白水重則
成膿久而膏枯者不治內漏生於目竅之傍外漏

生於肉輪之外此由積熱痰火薰蒸所致陰漏則
晝輕夜重宜養血清肝陽漏則夜輕晝重宜清金
補氣又在太皆屬心經君火宜補北瀉南小皆屬
心胞相火宜於北方中補而抑之也總之目者肝
之竅腎者肝之主治宜補腎宣肝為要

白微丸 治漏睛出膿

白微 一兩

防風

白蒺藜

羌活

各三錢

石榴皮

三錢

共為末米糊丸

梧子大每服一錢白湯送下

解毒丸

治漏睛出膿

杏仁

去皮尖二兩另研

枝子

十兩

大黃

五兩

爲末煉石蜜一筋爲丸梧子大每服二三錢茶湯送下

○大小眼眦出膿大小眼眦出血

眼眦出膿者大腸熱也用桔梗芩連木通檳榔茺菟

之類眼眦出血者小腸熱也用歸尾

赤芍黃連桃仁甘草之類

耳部

耳者心腎之竅肝膽之經宗脈之所聚也心腎主內

如精血不足或聾聵或虛鳴稟賦弱也六味地黃

丸加桑螵蛸或滋陰地黃丸肝胆主外如風熱有

餘或脹痛或膿痒邪氣客也柴胡清肝散因血燥

者柴胡枝子湯如未應佐以六味丸間服九味蘆

蒼丸因食積內熱者四味肥兒丸之類

柴胡清肝散

治瘡毒生於耳前耳後自身外側至足股內側至足或胸乳小腹下等處皆肝膽三焦經風熱

柴胡

黃芩炒

人參

各一錢

枝子炒

川芎

各一錢五分

連翹

桔梗

各一錢二分

甘草

五分

水煎食遠服

滋陰地黃丸

見耳疳門

柴胡枝子湯

見小兒胎毒瘡瘍

丸味蘆薈丸

見疳門

四味肥兒丸

耳底疼痛

升桔湯

治耳內腫痛三陽經風熱也再治面腫

牙痛咽

升麻

一錢

桔梗

一錢五分

昆布

一錢

連翹

二錢

胆草

一錢

射干

一錢五分

用水鍾半煎八分食遠服外以軍持露滴之

軍持露

治耳內痛引腦項者

熊胆

分許

冰片

少許

凉水五七茶匙化開滴入耳內其冷如冰其痛

立止少時傾出三二次全愈 或用鐵店石池

內磨刀水滴之 垂盆草取汁尤佳

芍藥散 耳痛連頭流膿出血者風熱上壅也

赤芍 白芍 川芎 當歸

大黃 木別子 甘草 各一錢五分

水二鍾煎八分食遠服

加味涼膈散 耳濕腫痛屬少陽相火宜治辛寒

黃芩 一錢 枝子 五分 連翹 二錢 薄荷 五分

甘草 一錢 朴硝 一錢 大黃 防風 各一錢

羌活 一錢

水二鍾竹葉二十片煎一鍾加蜂蜜少許食後

服 氣閉者加菊花 蔓荊子 石菖蒲

黑疔

黑疔生於耳內一點疼如錐刺痛引腮腦破流血水
用前升桔湯軍持露等法治之罔效者疔也急服
蟬酥丸汗之研蟬酥餅水調滴於耳內立效

一灸後谿穴七壯穴見灸門

耳疳

耳疳者為耳內流出膿水臭穢也書有云出黃膿為
停耳紅膿為風耳白膿為纏耳清膿為震耳名雖
有五其源則一由足少陰虛熱者四物湯加丹皮
石菖蒲及地黃丸滋補之由手少陽風熱者蔓荊

子散交感丹清之。若小兒胎熱或洗浴入水作痛生膿者在初生月內者則不必搽藥如治之早則項下結腫任其毒盡自安至月外不瘥者用紅綿散搽之。

蔓荊子散 治耳出膿水

蔓荊子 桑白皮 菊花 前胡

升麻 赤茯苓 赤芍藥 生地

木通 甘草 炙等分

用水二鍾煎八分食遠服

滋陰地黃丸 治耳內虛鳴膿汁不乾者

熟地 二兩
茯苓 八錢
山萸 一兩
菊花 八錢

丹皮 八錢
黃柏 八錢
何首烏 六錢
黑豆蒸

共為末煉蜜為丸梧子大每服二三錢空心淡

鹽湯送下

交感丹 治耳疰氣不宣通遂成聾瞶者

香附 童便浸炒三錢
黃連 二錢
茯苓 二錢

耳菊 一錢
桂心 一錢

共為末每服錢半燈心湯下

紅綿散 治耳內流膿腫痛已消膿尚不止者

枯白礬 三錢
乳臙脂 二錢
射香 二分

共爲末，確收，先撚綿球絞盡耳內濕膿，隨用綿球蘸藥送入耳底自愈。一用臘日枯礬入豬膽內陰乾吹用。一用鷄肫皮焙或文蛤末吹之。一用陳年醬茄蒂擰汁滴於耳內。一用杏仁炒黑爲末，綿裹塞於耳內，日三四易。一用人牙煨存性，去火毒爲末，用少許吹耳內。

耳衄

耳衄者，耳出鮮血也。由上焦血熱所致。若肝脈弦洪者，柴胡清肝湯。虛火妄動，腎脈數而弱者，六味地黃丸。生地麥冬散。總以涼血清心爲主。外以神塞丸塞之。

生地麥冬飲 治耳出血及鼻衄

生地 一兩 麥冬 一兩

水二鍾煎八分食遠服

神塞丸 治耳內出血及鼻衄

射香 一分 沉香 三分 白礬 一錢 糯米 五十粒

共為末糊丸梧子大薄絲裹之如左耳出血塞

右鼻右耳出血塞左鼻如左鼻出血塞右耳右

鼻出血塞左耳兩耳出血塞兩鼻兩鼻 出血塞 兩耳

六味地黃丸 見潰瘍門

柴胡清肝湯 見本部

耳痔

外科大成 卷之三 耳衄耳痔 三 堂藏板

耳痔及耳挺耳聾俱結於耳之竅內不腫不噴不痛
塞久令人重聽宜枝子清肝湯兼外插藥線於縫
內化盡自愈

枝子清肝湯

牛蒡子

柴胡

川芎

白芍

石膏

當歸

枝子

丹皮

各錢

黃芩

黃連

甘草

各五分

用水二鍾煎八分食後服

耳鑱瘡

耳鑱者生耳後縫間延及上下如刀裂之狀隨月之

盈虛故名月蝕瘡宜川粉散擦之如初生如黍次爛如鴉喙之狀名鴉喙瘡用鴉喙散敷之

川粉散 治耳鑱及黃水等瘡

川山甲 炒 呂粉 炒 輕粉 隔紙微炒等分

為末摻軋用蒜油調敷 一用地骨皮煎湯洗

淨仍用地骨皮為末摻之軋用香油調敷

鴉喙散 治耳鑱等瘡

老鴉毛 煨灰存性一錢 大紅絨 燒灰存性一錢 白礬 枯五分

珍珠 五分 冰片 二分 輕粉 五分 黃丹 二錢

射香 少許 右為末摻用

小丹六
方
函三
堂
藏
版

耳痒

耳痒搔之雖至血出而痒不止者腎風也宜服三因

四生散三二服即瘥

四生散

見腎臟風瘡門

耳聾

氣閉耳聾用北細辛研末炙脂溶化与細辛末和勻丸如梧子塞耳通

蠟彈丸

治耳聾由肺氣虛者

山藥

兩

白茯苓

二兩

杏仁

去皮尖炒一兩五錢

為未用黃蠟一兩溶化為丸彈子大鹽湯嚼下

少氣噎軋者用生脉散煎湯嚼下

東垣王愷督方

治暴聾薰一二次三五年者薰五

七次全愈多年者不治

靈磁石

七錢煨

珍珠

七粒微焙

當門子

射

三粒

為細末蘄艾一錢為粗末次用白絲紙一張鋪
熱銅器上用黃蠟五錢遍擦紙上裁為五寸大
方塊將前艾均分鋪紙上艾上摻藥捲成筒仍
以火烘蠟紙粘牢聽用再用厚紙捲筒如喇叭
樣以小口對耳次將藥筒點着吹滅側耳薰之
力能隔耳透咽其功甚捷薰畢用艾戒塞耳以避風入

鳳珠丹

耳聾

鷄蛋一箇開一孔入巴豆一粒去心膜用雙層

紙封之與雞抱之以雛出爲度取蛋清滴耳內
日二次○一用鼠膽汁灌入耳內少時令人於
耳內視之俟耳竅內有虫見卽以捻子捻虫頭
緩緩扯出其虫之大小隨年分之新久其虫一
出患人發暈少時卽甦甦卽聰矣此法不問新
久雙聾單聾悉驗如兩耳則用二膽治之

虫入耳

虫入耳者以姜擦猫鼻猫尿自出取尿滴耳內其虫
自出而愈諸方皆不及此若用蒜油滴之則虫死
而難出矣 虫入耳久之食腦而腦痛者用桃葉

爲枕垂白鼻孔內出 垂入耳用雄雞冠血滴之

凍耳成瘡

凍耳用生姜取汁熬膏塗之忌用火烘湯泡犯二則

肉死宜與凍瘡門參考

鼻部

鼻者肺之竅也五氣入鼻藏於心肺心肺有病而鼻

爲之不利

鼻淵

鼻淵者鼻流濁涕黃水腥穢是也又名腦崩腦漏久

之令人頭眩虛暈不已經云膽移熱於腦則辛額

鼻淵遇寒而甚者火鬱之爲也書云膽與三焦同
火治故先宜清上繼以鎮火補水兼理肺肝清
上多取乎辛涼如荆芥薄荷茸菊連翹升麻牛蒡
子天麻之類鎮火補水如犀角二冬硃砂人參五
味子茯苓山藥丹皮甘草之類理肺如桑皮桔梗
二冬牛蒡子天花粉竹瀝之類清肝膽如柴胡川
芎竹茹棗仁羚羊角之類余治腦漏於對症藥內
加檀香片一大撮無不奏效

○ 奇授藿香湯 治鼻淵致虛眩暈不已

藿香連梗葉九錢水一碗煎七分加公指膽汁

一枚和勻食後服重者不過三服卽愈或以藿
香爲末猪膽汁熬膏和丸每服二錢食遠白湯
送下 久而虛者兼服補中益氣湯六味地黃
丸以滋化源

身瘦乃治腦漏之要方

天蘿散

治鼻淵而兼腦痛者名控腦砂有虫食腦絲瓜
藤近根處三五尺燒存性爲末每服

二三錢黃酒調服

馬兜鈴散 治鼻淵

馬兜鈴 五錢 麻黃 三錢 五味子 一錢 茸草 一錢

水二鍾煎一鍾加黑砂糖少許卧時溫服卽愈

白芨丸 白芨末酒糊丸每服三錢黃酒下半月愈
鼻淵鼻流濁涕也鼻鼽鼻流清涕也如老人流涕不
乾者搗獨宗數足心自不再發

鼻淵服藥罔效者惟灸上星穴五壯卽愈仍服八味
地黃丸以滋化源

鼻聾

鼻聾者爲不聞香臭也宜神愈湯以生姜爲引水煎
服之立驗歌云細芷羌防半芎歸陳桔苓薄荷增
三倍煎服氣調勻

鼻衄

鼻衄者鼻中出血也由肺經血熱妄行治宜涼血然
涼血必先清氣氣清血自歸經矣如枳殼連翹清
之薄荷玄參散之蒲黃京墨茅根止之再如羚羊
清肺散生地麥冬飲加味生脈散皆對症藥也如
夏月脈虛身熱大汗口渴者暑熱所逼也黃連香
薷飲清之外用青絲線扎兩手中指根再用毛邊
紙摺十餘層水濕透貼百會穴以熨斗熨之或再
用好煖酒十數碗盛盆內踏兩足浸之或搗大蒜
於兩足心塗之再神塞丸塞之再以傾銀紫土新
礮爲末燒酒調敷顙門立止

羚羊清肺散

治衄血及吐血咳血

羚羊角

銀柴胡

黃連

玄參

石膏

地骨皮

枝子

歸身

白芍

川芎

生地

蒲黃

各一錢

蘆薈

茸草

各五分

藕節

三箇

用白茅根四兩搗爛入水一碗和絞去渣取蒸

根汁一碗入藥煎七分加童便一鍾食後服

加味生脉散

治衄血

麥冬

五錢

人參

二錢

五味子

一錢

姜炭

三分

用水二鍾煎八分食遠服亦可代茶

伏龍散 治衄血并血崩

伏龍肝 即柴灶中心燒紅土也

為末每用二錢冷水調服即止

黃連香薷飲

香薷 厚朴 姜炒 白扁豆 炒 黃連 姜炒

用水煎熟冷服

生地麥冬飲

神寒丸 俱見耳部

鼻痔

鼻痔生於鼻內形如榴子漸大而下垂令人氣不通暢由肺經濕熱內蒸如朽木而生芝蘭也宜辛夷

十一
卷之三
鼻痔
三
函三堂藏板

清肺飲外兼消痔散等藥點之化水而消仍節厚
味戒氣怒省房勞庶不再發

辛夷清肺飲

辛夷 六分

黃芩

枝子

麥冬

百合

知母

石膏

各一錢

升麻

三分

甘草 五分

枇杷葉 三片

用水二鍾煎八分食遠服或加

連翹

薄荷

羌活 防風

消痔散 治鼻痔

鹵砂 一錢 輕粉

雄黃 各三分

冰片

五厘

右爲細末用草梗咬毛燕菜點痔上日五七次
漸化爲水 一用白砒三錢安新瓦上上蓋蜜
陀僧末白礬末各二錢煨爛盡爲度埋一宿去
火毒配苦丁香末等分加射香四分和勻或加
礪砂少許每用少許吹之卽流黃水腫消則氣
順矣 一只用水片點之補驗

鼻疔

鼻疔生鼻內痛引腦門鼻竅脹塞甚則唇腮俱腫宜
蟬酥在汗之鼻孔內用蟬酥條研末吹之如鼻外
發腫用齒宮錠子塗之鼻腫如瓶者逆灸腕

骨七壯壯如藁豆大見灸門

鼻瘡

鼻瘡為鼻孔內乾燥發痛而有瘡也宜洗肺散清之

外用油紙捻粘辰砂定痛散送入鼻孔內日三五次立效

洗肺散 治鼻內生瘡

黃芩

半夏

各二錢

天冬

麥冬

五味子

各一錢五分

杏仁

一錢

甘草

五分

用水二鍾生姜三片煎八分食遠服

辰砂定痛散

見口部

酒皸鼻

酒皸鼻者先由肺經血熱內蒸次遇風寒外束血瘀凝結而成故先紫而後黑也治須宣肺氣化滯血使榮衛流通以滋新血乃可得愈

麻黃宣肺散

治酒皸鼻

麻黃

麻黃根

各二兩

頭生酒五壺重湯煮三炷香露一宿早晚各飲三五杯至三五日出膿成瘡十餘日則膿盡膿盡則紅色退先黃後白而愈

調榮化滯湯

當歸

川芎

赤芍

生地

紅花

洗 貝酒

黃芩

酒炒

陳皮

各一錢

甘草

生五分

生姜

三片

用水二鍾煎八分加酒少許調五靈脂末二錢

食後服氣弱形肥者加酒炒黃菁立應

黑參丸

治酒鼓鼻

玄參為末用猪膽汁和丸每服錢許食後白滾湯送下外以玄參末仍用猪膽汁調塗鼻上

外治諸方

硫黃為末以陳糟茄汁調敷 一用象牙末或

蜜蛇僧或杏仁搗爛俱用八乳調敷

唇部

經云脾之榮在唇其為病也燥則乾熱則裂風則瞶寒則揭是也治宜隨其因而療之忌用追蝕等藥

及藥線等法

反唇疔鎖口疔

此症最難治一法刺第の椎下五指

反唇疔

生於唇裏

鎖口疔

生於嘴角

二疔初起如粟堅硬如鐵

腫痛麻痺寒熱交作內外治法於疔瘡門參考

唇疽

唇疽生於唇腫痛有頭甚則寒熱交作由胃經積熱

所致宜神授衛生散壯者貴金丸外用離瘡

錢子塗之

唇疽唇疔
函三堂藏板

神授衛生散

貴金丸 俱見腫瘍

离宮錠子

見敷治門

一灸犢鼻穴

見灸門

繭唇

繭唇者初生如豆漸大如繭或如番花靈芝等樣腫

硬疼痛破流血水久變消渴消中之症由胃中積

熱火痰留注所致初起及已成無內症者用麻子

大艾灸三壯貼蟬酥餅膏藥蓋之日久漸消有內

症作渴者早服加減地黃丸午服清涼甘露飲以

滋化源如日久流血不止見形羸虛熱面黑顴紅

口乾渴甚者不治

清涼甘露飲

犀角

銀柴胡

茵陳

石斛

枳殼

麥冬

生地黃

黃芩

知母

枇杷葉

甘草

淡竹葉

燈心

各二十

用水二鍾煎八分食遠服

加減地黃丸

身潰瘍

蟬酥餅

見疔瘡門

唇風

唇風生下唇發痒不疼腫裂流水由胃火上攻也宜

服滋陰地黃丸外以坎宮錠子一錢加銅青末五

分水調塗之

滋陰地黃丸

治陰虛火燥唇裂如繭

熟地

山藥

山萸

五味子

麥冬

當歸

菊花

枸杞

肉蓯蓉

巴戟

右等分爲末煉密爲丸如梧子大每服七八十

丸空心白滾湯送下

口部

氣通於口脾利則口能知味又心脉布於舌上脾脉布於舌下故心脾積熱則口舌生瘡甚則腮舌赤腫此實火也治以苦寒如涼膈散又膀胱移熱

於小腸膈腸不便上爲口糜如炆底燃薪籠中肉腐之象也宜柴胡地骨皮湯或五苓散導赤散合而用之如服寒涼之藥不應者虛火也治以其溫如發熱飲冷者上焦虛熱也補中益氣湯肢冷腹痛便滑食少者中焦虛寒也附子理中湯八味地黃丸晡熱內熱唾痰便數口乾作渴者下焦虛火也加減地黃丸此從治之法也如小兒又當察面圖部位分臟腑虛實而藥之

升麻飲

治口內生瘡齒斷肉爛

升麻

玄參

黃連

羚羊角

黃芩

葛根

麥冬

羌活

防風

菊花

大黃

人參

知母

炙甘草

各五分

水二鐘煎八分食遠服

甘露飲

治口舌生瘡及牙宣齒齲腫爛時出膿血

不任涼藥者

甘露飲用枇杷葉斜切去毛地骨皮

枇杷葉

石斛

黃芩

麥冬

生地

甘草

炙

加

枳殼

茵陳

等分

水二鐘煎八分食遠服

柴胡地骨皮湯

柴胡

地骨地

各五錢

水二鍾煎八分食遠服

辰砂定痛散

治口舌生瘡咽喉腫痛

軟石膏

服一兩

胡黃連

末二分

辰砂

末五分

冰片

二分

共為末收確內如口內則摻之喉內則吹之日上五七次嚥之

蟬酥絲

治口內生瘡齒齦肉爛

蟾酥

五分

硼砂

冰片

射香

各一分

為細末用溫水半盞化令勻盡入紅綿五分蘸藥汁晒乾再浸俟藥汁盡將絲寸截每用一片

貼患處有涎卽吐之日三五次

抽薪散 治口舌生瘡并小兒火眼

大附子爲末津調敷足心內沾紙蓋之絹條扎之
一用草烏南星乾姜等分爲末醋調敷手

心足心 一用吳茱萸爲末醋調敷脚心 一

用細辛爲末醋調敷臍 一用白礬三四兩冲

滾水一盆浸化泡足

涼膈散 治上焦實熱口舌生瘡及咽喉腫痛

黃芩

枝子

連翹

薄荷

甘草

桔梗

朴硝

大黃

水二鍾竹葉二十片煎八分加蜂蜜三匙和服

附子理中湯 五苓散

導赤散 馮丙丁 小湯

生地 木通 甘草 加竹葉 水煎服

補中益氣湯 八味地黃丸 加減地黃丸

舌部

心開竅於舌而心脉又絲系於舌也再肝脉絡於舌本

脾脉絡於舌傍是舌屬三經不必專主於心也

紫舌脹

紫舌脹者舌脹滿口堅硬疼痛由火盛血壅所致又

云脾熱則腫滿用衣針扎筋頭上露鋒分許於舌

小... 紫舌脹 函三堂藏板

上刺數十刺令其血出紅色者輕紫色者重以溫
 湯漱口搽冰硼散服涼膈散加牛蒡子荆芥倍枝
 子枝子瀉火之要藥也或去硝黃 一用番木別
 刮去殼咀片含少許即消 一用草麻子仁研紙
 搥燒烟薰舌入口即消 一云舌長過寸研冰片
 敷之即收 一灸少冲穴 一法用炒蒲葉乾姜少許研末搽之即消
 痰包 一用皂角刺研末搽之即消

痰包生於舌下結腫如瓠光軟如絲甚則塞令滿口
 由火擊痰飲流結而成宜用披針對包上燃之如
 鑽鑽破出稀涎如鷄子清稠粘不斷拭淨蘸冰硼

○
散服二陳湯加黃芩黃連薄荷之類仍忌煎炒火酒等物庶不再發

冰硼散 治舌脹痰包重舌木舌咽喉腫痛

冰片一分 硼砂 五錢 辰砂 一錢 牙硝 一錢

為末收用喉生毒加燈草燒灰更效

舌衄

舌衄為舌上有孔小如針簪大如筋頭其或色黑出血如湧由心火炎上血熱所致宜升麻湯香參丸又云肝壅則血出如湧肝風則舌強

升麻湯 治舌衄血出如湧

升麻

小蘗根

茜根

各兩半

艾葉

七錢五分

寒水石

二兩

為末每服三錢用水一鍾煎七分去渣入生地

黃汁一合再煎一二沸溫服或加栝葉

香參丸

治症同前

人參

麥冬

當歸

生蒲黃

各五錢

生地

一兩

茸草

灸二錢五分

右為末煉蜜為丸小彈子大每服一九每日三

四服白滾水化下

重舌等症

痰氣

重脣

舌疔

舌下生小舌爲重舌宜冰硼散搽之 舌上生核強
硬作痛者爲痰氣用衣針點破搽冰硼散服清火
消痰之藥 舌上腭生瘡形如楊梅外無寒熱內
却心煩者爲重腭忌用針刺宜黃連 天花粉 加桔
梗 甘草外兼吹藥 舌上生瘡其形如豆堅硬寒
熱疼痛應心者疔也宜蟬酥丸含於舌下隨化隨
嚥或再服三粒以解內毒甚者刺之或灸少冲穴
弄舌舒舌

弄舌者微露卽收也屬心脾經虧損宜溫脾散補之
大病後者難醫

舒舌者舌舒長良久方收也由心脾積熱宜瀉黃散

涼膈散

見口部

黃連解毒湯

蟬酥丸

見疥瘡門

牙齒部

當門為齒上屬督脉下屬任脉兩傍為牙上屬足陽

明胃經下屬手陽明大腸經夫牙者骨之標而屬

腎牙之生如木之栽於土也如腸胃素有濕熱上

出於牙齦之間適被風寒或為飲冷所逼則濕熱

不得外發而作痛乃陽明病非少陰病也是症以

寒為標故外用擦漱之藥宜辛溫取其散寒開鬱

以熱為本故內服之藥宜辛涼取其散熱清中如

連翹湯之類再火勝則痛必牽扯顛顛加石膏風
勝則腫加防風氣勝則長加枝子氣鬱則勝亦加
枝子痰勝則木加貝母外以醋敷之去其痰涎瀉
其風熱痺隱則黑加史君子肉蟲蝕則蛀加檳榔
外以五靈脂湯化漱之以殺其虫再血虛則齒痒
腸胃虛則齒露過於勞則齒浮腎虛則齒豁惟精
固則齒堅又當隨其症而用滋補也

牙痛

連翹湯 治一切牙痛隨前症加減

黃芩

黃連

當歸

赤芍

各一錢
五分

連翹錢一

天花粉

玄參

各七分

枳殼

五分

用水二鍾煎入分食遠服

加味涼膈散

治濕熱牙疼頤顴浮腫牽引太陽口熱便秘者

依本方加

石膏

升麻

淡竹葉

水煎加蜜調服

治牙痛久不愈諸藥罔效

者只用石膏一兩升麻五錢水煎服效

升麻四物湯

治血虛牙痛

當歸

川芎

赤芍

生地

白芷各一錢 黃芩二錢 升麻五錢 蒲公英五錢

用水碗半煎入分食遠服

珠金丸

牙痛內外俱腫狀類傷寒發頤者為搜牙風先以絳珠丹汗之次以貴金丸下之再次用清痰降火之藥調理

羌活附子湯

治冬月大寒犯腦令人腦牙俱疼各曰腦風

麻黃 附子各三錢 羌活 蒼朮各五錢

黃耆一分 防風 甘草 升麻

牙痛方 函三

姜蚕

黃栢

白芷

各二分

佛耳草

用水鍾半煎入分熱服

○定痛塞耳丹

細辛

益硝

各一錢

雄黃

五分

牙皂

二個

為末用大蒜一枚杵和為丸梧子大每用一九

綿裹之如左牙疼塞左耳右牙痛塞右耳良久

即止一九可治數人

固齒白玉膏

治一切牙疼及齒動搖而不堅固者

龍骨

一兩

陽起石

五錢

二味火服通紅滓後藥汁內七次

鉛粉

一兩

珍珠

三錢

象牙

末五錢

射香

二錢各末和勻

黃蠟三雨

治牙痛之法甚

多何必如此費事

又工本甚大不輕刻

效須過發愈然牙

痛小病而病

去不肯出贊

不過十粒之勞

立擇穩者用此

方醫家除沈

三身

溶化濾淨再化俟溫方入前藥和勻乘熱攤紙

上如冷燒熱熨斗仰放紙鋪斗上攤之用時先

漱口淨剪小條貼齦根上閉口勿語過宿如失

製龍骨陽起石藥汁方

姜蚕四十個 防風

當歸

川芎

牙皂

青鹽

升麻

白芷

骨皮各五錢

細辛

藁本各三錢

為粗末長流水於砂鍋內桑柴火熬汁去渣再

煎汁一碗以滓前藥七次焙乾為末

○ 蟬酥丸

見疥瘡門

此法不必用蟬酥丸只用蟬酥一味如米大一粒放痛牙上其痛立止效驗

綿裹一粒咬痛牙上其痛立止甚者用真蟬酥

麥粒大咬之更驗
痛牙不落 燄痛牙即爆落如手取

齒根腫痛出膿者名曰風齲及治虫蝕疼痛

乾蝦蟆

一個燒灰

青黛

一分

蘆薈

半分

共為末用生地黃煎膏和藥塗之

補蛀丹

虫牙痛者斫新巴豆和乳香末為丸塞蛀孔內
如虫已去而孔內空痛者只用乳香灸軟塞之

落齒方

老鼠一枚入礪砂一錢於肚內碗盛密蓋自爛
生蛆取蛆炙乾為末用時以刀剔破牙根四圍
而後塗之半刻自落

此法不佳用刀剔破牙根其痛甚比何必生取之
不過痛血受也別有取牙之法作書人不抄也

牙疔

牙疔牙宜為牙縫中出血也若胃經實熱者則血出
如湧口必臭而齒不動宜清胃湯甚者調胃承氣
湯下之孰若用酒製大黃末三錢以枳殼五錢煎
湯少加童便調服下黑糞而愈是治脉洪有力陽
明之熱盛也若胃經虛火者宜二參湯及補中益
氣湯加黃連丹皮腎經虛者血則點滴而出齒亦

悠悠然而痛口不臭而齒動或齒落治宜安腎有
火者六味地黃丸無火者八味地黃丸俱加猴姜
隨手而應肝氣盛者兼服蘆薈丸俱外兼蒺藜湯
玄胡散荔枝鹽等擦之漱之

二參湯 治牙衄屬虛火者

人參 玄參 各二錢或五七錢 水煎服

蒺藜湯 治牙衄及牙痛根腫動搖者

白蒺藜 一兩為粗末 水二鍾煎一鍾入食鹽 一撮 漱之

玄胡散 治牙宜

玄胡索生為未用前湯漱過以此敷之

荔枝鹽 治

堅齒明自

荔枝一箇攢一孔入食鹽七分花椒三分以蒲
為度紙包泥固炭火煨存性為末蚤晚擦之

補中益氣湯

六味地黃丸

八味地黃丸

俱見
潰瘍

蘆薈丸

見痔
瘡門

攢齒疳

攢齒疳者為牙根肉內鑽出骨尖如刺而作痛也小

兒多有之用披針刺開好肉取出本牙如出血不

止以濕紙換貼二次自止戒厚味其牙復生如舊

牙疔

此種疔不忌
法

牙疔爲牙縫中腫起一粒痛連顙項或兼麻痺或破
流血水異於常症者疔也用竹簽挑破以見鮮血
爲度搽拔疔散再以蟬酥丸噙之服之 或灸神
授穴二七壯

牙癰 附多骨

牙癰爲牙床上堅腫疼痛身發寒熱勢盛如常者癰
也初宜貴金丸下之蟬酥丸噙之或灸外踝骨尖
三壯或刺破搽冰硼散如初時堅腫破流膿水以
不收口者多骨也必俟骨尖刺出搖則內動方可
取出其口自愈

貴金丸

見首卷

蟬酥丸

見赤毒門

走馬牙疳

走馬牙疳疔者。迅速之為也。故有鼻疳唇疳舌疳喉

疳之稱。其症牙根作爛。隨變黑腐臭穢。難聞。由肝

胃三經虛火熱極。上攻所致。宜蘆薈消疳散。三黃

香黛散。以清肝熱。人參茯苓粥。以養胃氣。外用手

法。取去腐肉。肉見紅肉。流鮮血者。為吉。如頑肉不

脫。腐黑復生。牙落無血。穿頰破唇。焮腫外發。身熱

不退。臭穢不止。用藥罔效者。俱為不治。

蘆薈消疳散

此疔乃火邪
何必用人參

蘆薈

銀柴胡

胡黃連

黑玄參

牛蒡子

羚羊角

桔梗

枝子

石膏

各五分

薄荷葉

四分

升麻

三分

甘草

三分

用水二鍾淡竹葉十片煎六分食遠服

二黃香黛散

牛黃

黃連

大黃

酒蒸

木香

青黛

各等分

右為末用淡竹葉薄荷煎湯調服

人參茯苓粥

必先服此以養胃氣

人參

一兩

茯苓

三兩

為末每用一鍾同米二鍾煮粥食之先用鹽湯

洗牙疳方

先用蒜油通口噙漱覺無油氣吐之如式六七
次次以百沸湯入鹽醋漱吐三四次再次以綿
胭脂拭乾然後上藥此秘法也

再生散 治走馬牙疳牙落鼻崩久不愈者

土鱉四十九箇 煨存性 山豆根 人中白煨

辰砂飛各二錢

右為細末先割淨腐肉用前法洗淨拭乾搽之
七日內長肉如舊

大牙散 治走馬牙疳爛極者

象牙梳

油透者煨存性為未

加

冰片

摻之

一用蜈蚣

雄黃

黃栢

等分

為未摻之

一

用烏鴉頭

煨

龍骨

枯礬

赤石脂

鉛粉

煨黃

射香

為未乾摻或用油調

牛黃生肌散

治牙疳臭爛穿腮者

牛黃

五分

珍珠

琥珀

人中白

胡黃連

乳香

沒藥

各一錢

見茶

二錢

硼砂

五分

冰片

三分

右為未摻用

○ 勒馬聽徽散

治牙疳臭爛者神驗

此法所用三砒須

製過而後用

白砒一分

射香三分

青黛飛一兩

青絲一

扯碎

清油拌勻收之用時先以清米泔水漱口淨次以針尖挑些須塞牙齒根縫內

○ 青蓮膏 治走馬牙疳

白砒一分

輕粉錢一

青黛錢二

乳香一

錢

射香五分

分

右為細末用香油調薄攤紙上用槌搥實陰乾收之每於卧時漱淨口拭乾隨瘡大小剪藥封之至曉去藥漱淨吐之三上效

咽喉

咽者嚥也接三腕以通胃故以嚥物喉者候也通五臟以系肺故以候氣有云噎者卽咽之低處也然喉痺則呼吸不利天氣閉塞也咽痛則飲唾不入地氣閉塞也是以喉痺必兼咽噎痛而咽噎痛未必兼喉痺也又十二經皆湊於喉而內經獨言一陰一陽結爲之喉痺者重於君相二火也又一陰心胞與肝一陽三焦與膽四經皆有相火氣熱則爲痺必疾第火有虛實之分喉有緊慢之別

緊喉

緊喉者其發暴咽喉腫痛痰涎壅盛聲音不出服水
不入由膏藥厚味所致為之實火斯時也不及用
藥宜刺少商穴委中穴出紫黑血以瀉其熱噙牛
黃點舌丹以消其毒俟稍緩吹以冰硼散服清咽
利膈散以清其源痰盛者桐油餞導之

牛黃點舌丹

治喉風喉痺痰火壅盛并大頭瘟及癰毒等

牛黃

分五

熊膽

分五

蟬酥

分三

犀角

分三

羚羊角

分三

珍珠

分三

冰片

分五

射香

分三

沉香

分五

辰砂

雄黃

硼砂

血竭

乳香

沒藥

葶歷各一錢

各為細末稱準和勻乳汁為丸黍豆大金薄為衣每用一丸呷舌下嚙化徐徐嚙之化盡口內麻以冷水漱口嚙之則患處出汗

冰硼散

治咽腫及口齒腫痛并久嗽痰火咽啞作痛

冰片

五分

硼砂

五分

玄明粉

五分

硃砂

六分

共為末日吹五七次

金鎖匙

治喉風喉閉痰涎壅盛口禁不開湯水不入者

焰硝一兩 礞砂五錢

雄黃二錢

白姜一錢

冰片二分

各研末和勻吹之痰涎即出或化為水

桐油餞 治喉閉痰壅呼吸不利湯水難入者

用溫湯半碗加桐油三四匙攪勻用硬雞翎煎

油探入喉內連探四五次其痰壅出再探再吐

以人醒聲高為慶

清咽利膈湯

治咽喉腫痛痰涎壅盛及乳蛾喉痺喉癰重舌

木舌或膈胸不利煩燥飲冷大便閉結等症

黃芩 枝子 連翹 薄荷

甘草 桔梗 黃連 玄參

金銀花 牛蒡子 防風 荆芥 各一錢

朴硝 大黃 各二錢

一加 升麻 葛根 大青 青黛 羌活

半夏 射干 山豆根等類

水二鍾淡竹葉二十片煎八分加蜜三匙 食遠服

慢喉

慢喉者虛火也其發緩其色淡其腫微其咽乾其便

利其脈微細甚則舌生白胎唇如礬色此由憂思

大過所致午前痛者補中益氣湯加麥冬五味子
玄參桔梗牛蒡子如不應以補中益氣湯加乾姜
大附子爲引導若夫午後陰虛作痛作渴身熱足
冷者腎虛也忌用清涼宜地黃丸料恣意飲之兼
用八珍湯補之再如陰虛於下孤陽飛越於上者
脈必浮大重取必瀆又宜獨參湯細細飲之立驗
或灸心俞穴不拘壯數待喉寬卽止脈浮大遇
勞則甚者脾肺虛膀胱熱也理中湯加山藥山茱
萸婦人咽腫色白者月經不調也治宜調榮色
微白而脚冷者虛陽上攻也治宜降氣

升葛補中湯 治咽喉口舌虛火腫痛生瘡

升麻 葛根 赤芍 人參

桔梗 各一錢 甘草 一錢 生姜 三片

水二鍾煎八分食遠服

補中益氣湯

六味地黃丸 俱見潰瘍

喉痺惡寒者乃寒折熱也治宜發散服涼藥反甚未

破者生姜汁漱之痰甚者桐油餞導之微者用醋

代之惟醋能消積血也喉症急者刺少商穴太谿

穴虎口動脈或灸少冲穴其功甚捷喉痺腫達於

外者有膿腫脹不肯針刺者用皂角末取捷即破

已極治
喘不止此
不能取效

鬲官鏡子塗之即消或皂角末醋調厚敷項外須
 臆即破血出立瘥或韭菜根和伏龍肝搗敷鄉村
 皆相似者時氣也宜隨運氣以散之喉痺聲嘶者
 肺氣將絕也急以參膏或獨參湯救之卒然如啞
 吞吐不利寒氣客於會厭也密灸附子片哈之勿
 古謂喉痺不刺血喉風不倒痰喉癰不放膿乳蛾不
 針烙皆非治也如針刺無血探吐無痰聲如拽鋸
 痰喘鼻燥唇反舌捲面青目直自汗自利乾痛無
 痰者皆為不治 已潰而腫不消者難治

水菟散
 治喉癰

喉科
 函三堂藏板

冰片

荳蔻根

煨薄荷

黃柏

各一錢

月石

見茶

各一錢五分

人中白

山豆根

胡黃連

各二錢

枯礬

青黛

龍骨

烏梅肉

各五分

右各為末和勻吹用

楊梅喉癰加輕粉一錢

柿霜一錢白砒五釐

棗內去核煨熟用

啞瘡喉風其症牙關不開口不能言也治同緊喉

再用茸草湯漱以解桐油之氣

弄舌喉風亦啞不能言但舌出常以手拿是也急刺

少商穴噙蟬酥九導桐油餞吹金鎖匙服金蟬酥

毒丸

喉內如松子魚鱗者用大附子片礬之礬

之

喉內生瘡如黃豆者用烏藥醋磨哈之漱之

喉癰初生如梅核吐之不出嚥之不下从之漸上喉

節之間宜哈金鎖匙服金蟬解毒丸及四七湯

喉瘤形如元眼血絲相裹由肺經受熱所致禁用針

刀宜益氣疎風湯吹黃連水射散

鎖喉毒生於聰會之端注於懸膺之側形如瘰癧妨

碍飲食由心經熱積所致宜清心牛黃丸

嬰兒感冒風熱攻逼咽喉及痘瘡蘊熱上攻咽喉腫

痛痰氣不順咳嗽失音者

人參五錢

桔梗蜜炙 一兩

甘草半生半熟 三錢

水煎服

清咽解毒湯

治嬰兒出痘咽喉痛者首尾可服

山豆根

麥冬

各一錢

牛蒡子

玄參

桔梗

各七分

防風

五分

甘草

水煎服

不分部位大毒

不分部位為隨處可生也以其不按穴次故另分之

內癰總論

肺之募在肩胛穴心窩之上 心之募在巨瀾穴心窩 脾之募在胃門穴在乳傍上 肝之募期門穴在乳傍上 背之募在門穴在乳傍下

夫癰腫生於背外者看俞穴而內癰生於腹內者則

看募穴矣宜各隨募穴以分其經如其穴隱隱痛

而不已視其肉微起者癰也肉不起者疽也而本

經之脈必滿而實

但疑似之間以點陰膠法試之

陰膠即义用
甌中氣垢也

用少許

於口中即知臟腑所起直達至任處知痛足可醫

也雷公云知瘡所在口點陰膠或以生豆漿飲之

不嫌生氣者癰也或將患人兩手扶起過頭忽然

脇下吊痛過心者癰也再吐痰於水中沉者

是膿也

脉數身無熱內有癰也浮緊在表沉實在裏不浮不

沉知為在經緊則主痛脉緊而數其膿未成緊去

而數其膿已成又滑數實促者下之芫花虛弱者

補之長而緩者易治為胃氣盛也短散結代補而

不應者不治

初起者外兼灸去尤良用獨蒜切片三錢厚安穴上
灸之三壯一易以灸至不痛爲率其毒自消若內
毒已潰者及肝膽部位者生於臍者惟宜服藥攻
之禁用針灸

總

總治法 穴在心膈之分者屬上焦氣分宜神效爪

婁散之類穴在腹肋之分者屬中下二焦氣血之
分宜薏苡仁湯之類肚中腫起只一點痛而不移

者肚癰也會膿散腹痛如錐手不可近六脈洪數

者陽庖毒也加味貴金湯內癰已久敗膿腥穢臍

腹冷痛者懷忠丹心胸有孔久不愈者漏卮

補漏丹